

Las sfidas dal pli pitschen «Center da sandà» en Svizra

■ (rrr) Il «Center da sandà Val Müstair» è in dals pli pitschens ospitals en Svizra. Dapi passa 80 onns datti quest ospital per ina populaziun da mo ca. 1500 persunas. E dapi 80 onns vegn la Val Müstair a mantegnair l'instituziun, schegea che quai n'è gnanc uschè simpel. Il «Center da sandà Val Müstair» è vegnì engrondi gia trais giadas en s'istorgia, la davosa giada il 2008. Adina puspè ha però il chantun, vul dir l'Uffizi da sanadad, stuì stritgar purschidas en Val Müstair, adina puspè ha la populaziun stuì s'engaschar da nov per il surviver e per las finanzas da l'ospital. In ospital che porscha tut en ina dimensiun pli pitschna, ma per la paja tut sut in tetg: pratica da medis, apoteca, tgira d'attempads, dentist, lavandaria e bler auter. Ed oz? Co vesa or il mintgadi da quest center? Tegeninas èn las sfidas actualas e quellas dal futur? *Eligi Derungs*, redactur da l'emissiun *Cuntrasts*, emprova da responder quellas dumondas cun il film «vias curtas», in sguard en il mintgadi da lavur da trais col-lavuratur dal center: il schefmedi, la di-rectura ed ina imprendista. In sguard en

l'istorgia: L'entschatta dal 20avel tschientaner è vegnida fundada l'emprima cass da malsausns en la Val Müstair. Per la populaziun era quai stà il punct da partenz per in ospital, era sch'igl e stà in'entschatta turbulenta cun divers virivaris. Ina persuna ch'enconuscha bain l'istorgia d' l'ospital è l'antierur scolast ed archivar *Claudio Gustin*. Durant intgins onns è el era stà president da la cumissiun da l'ospital. Tenor sias retschertgas era la decisiun per il lieu da l'ospital, en la fracziun d' Sielva, stada fitg dispitaivla, malgrà che il resultat da votaziun na lascha betg supponer quai: 202 vuschs per Sielva, mo quatter vuschs encunter. Quasi 30 onns è *Peter Spinnler* da Basilea stà schefmedi en l'ospital da la Val Müstair. En Val Müstair era el ì sin viadi da nozzas, e curt suenter sa chasà definitivamain en la periferia. D' quel temp era l'ospital plitost en in nausch stadi: bleras stgalas, nagin ascensur e nagin func. Da la lavur da quella giada e dal svilup da l'ospital sa regorda Spinnler anc bain. Oz ha Spinnler 80 onns e viva sur enviern a Baden en Argovia.